

ARBEIDPLAN 2013

VALLDAL IDRETTSLAG

Valldal Idrettslag bygg si drift og aktivitet etter visjonen
"vi kan – vi VIL"

Utifrå tilgjengelege ressursar vil Valldal Idrettslag arbeide for å legge til rette for at alle skal kunne utøve fysisk aktivitet med bakgrunn i den enkelte sine ønske og behov.

All aktivitet skal bygge på norsk idrett sine grunnverdiar glede, fellesskap, helse og ærlegheit. Arbeid skal vere prega av frivilligheit, demokrati, lojalitet og likeverd.

Følgjande områder skal vektleggast i arbeidet:

Organisasjon

Valldal IL skal ha til ei kvar tid ha oppdaterte vedtekter i samsvar med NIF sine retningslinjer og ein oppdatert organisasjonsplan. Dette er grunnlaget for laget si drift

For å oppnå dette skal -

- det utarbeidast arbeidsbeskrivelsar for dei ulike funksjonar
- det gjennomførast opplæring/informasjon for styremedlemmar, gjerne i samarbeid med andre

Valldal IL skal i størst mogeleg grad skal framstå som eit lag

For å oppnå dette skal -

- det gjennomførast minst eit fellestiltak som ikkje er økonomisk motivert i løpet av året
- "sette pris på kvarandre", utarbeide retningslinjer for innsatspris eller liknande, og æresmedlemskap

Anlegg-utstyr

Valldal IL skal til ei kvar tid ha anlegg og utstyr tilgjengeleg som samvarar med dei aktivitetar som lag driv

For å oppnå dette skal -

- vedlikehald av laget sine anlegg-utstyr verte prioritert slik at desse kan brukast i samsvar med føresetnader
- styret ha det overordna ansvar for anlegg, medan gruppene som brukar dei ulike anlegg-utstyr ha det daglege tilsyn og vedlikehald
- det kunne tilsettast lønna personale til reinhald og vedlikehald. Det skal då utarbeidast avtalar og instruksar for arbeidet
- grunnavtalar gjennomgåast og det skal lagast oversikt over desse
- forsikringar for utstyr, bygg og anlegg gjennomgåast
- det lagast ein plan for rehabilitering og eventuell utbygging eller utbytting av anlegg/utstyr
- overflødig utstyr bør vurderast seld

Økonomi

Valldal IL skal ha ein sunn, god og oversiktleg økonomi. Drifta skal årleg minimum gå i balanse og laget skal totalt ha ledige midlar tilsvarande 50 % av årlege inntekter.

For å oppnå dette skal -

- vedtekne budsjett for kvar enkelt undergruppe og Valldal IL vere retningsgjevande for drift
- det utarbeidast halvårleg rekneskapsrapport som skal leggjast fram for styret
- innkjøp og investeringar som ikkje er teke inn i budsjettet, verte gjennomført innanfor dei rammer som årsmøtet har fastsett.
- det settast i gang arbeid med å innføre NIF sine retningslinjer for rekneskap og budsjett
- det gjennomførast fellestiltak som vil vere med å sikre økonomien i laget primært:
 - Olsok
 - Stadionreklame
 - Marknad

Informasjon

Valldal IL skal informere om aktivitetar og arbeid både internt i laget og eksternt. Resultat skal i størst mogeleg grad publiserast.

For å oppnå dette skal -

- informasjon som vedkjem Valldal IL distribuerast til heile styret
- det på styremøte settast av tid til gjensidig informasjon
- laget si heimeside vere oppdatert og innehalde aktuelt stoff
- lokal- og regionalpresse nyttast til informasjon om aktuelle saker, særleg når det gjeld aktivitet
- informasjon om arrangement og tiltak annonserast i lokalavis og lokalradio. Eigne flygeblad kan også brukast

Rekruttering – aktivitet

Valldal IL skal ha fokus på rekruttering av unge til idrett, men også inaktive vaksne

For å oppnå dette skal -

- det vere tilbod gjennom barneidrettskulen
- det settast i gong arbeid for å vurdere å styrke tilbodet gjennom barneidrettskulen
- aktivitet for barn skal bygge på NIF sine retningslinjer for barneidrett
- laget sine anlegg kunne brukast utanom organiserte aktivitetar
- det opnast for samarbeid med andre
 - Kommune – God helse – Frivilligsentral
 - NFU
 - Andre lag og organisasjonar i bygda og kommune

Undergruppene har ansvar sine respektive særiddrettar. Det skal leggjast til rette for at medlemmar i Valldal IL kan utøve sin idrett på ulike ambisjonsnivå

For å oppnå dette skal -

- det arbeidast med motivering for å ta kurs for aktivitetsleiingar eller trenarar
- det støttast opp under utøvarar som har høge ambisjonar og hjelpe å finne eventuelle samarbeidspartar

Arbeidsplan for Fotballgruppa

Arbeidsplan for 2013 / langtidsmål

- * halde fotballinteressa oppe også når ungane kjem opp i ungdomskulealder – greie å stille lag også i dei eldste klassene
- * halde oppe talet på påmelde lag i serien
- * alle skal få sjansen til å delta på Norway Cup mot slutten av aldersbestemte klasser
- * i august skal vi arrangere treningshelg på stadion for G/J12 og eldre. I tillegg skal vi ha ekstra treningsøker for fleire årsklasser i lag, nokre gongar med litt sosiale aktivitetar utanom fotball.
- * gjere bingoen vi arrangerte i november til eit årleg arrangement

Arbeidsplan for Friidrettsgruppa i Valldal IL

Hovedmål: Større interesse og deltaking i friidrett

- Delmål -
1. Større breidde og fleire deltakarar i friidrettscupen.
Minst 25 deltakarar som får premie i 2013.
 2. Skape større interesse for friidrett i området.
Samarbeide med andre klubbar. Deltaking i kretsen.
 3. Deltakarar som vil satse på friidrett og delta aktivt.
Minst tre deltakarar på kretsnivå i løpet av fem år.
 4. Deltaking i stafettar utanfor kommunen.
 5. Ha god nok økonomi til å støtte deltakarar som vil satse.
 6. Friidrettsgruppa må tilrettelegge og organisere opplegg for dei som vil delta aktivt.

- Korleis -
- Kvar må innsatsen setjast inn for å nå delmåla og for så vidt også hovudmål
- Marknadsføre felles arrangement betre. Skape blest.
 - Bruke facebook og nettsidene aktivt.
 - Engasjere gjestetrenarar som kan motivere/inspirere.

- Kva - kva konkrete tiltak må settast i vert knytt til kva områder som må ha ekstra fokus for å nå måla.
Tidsperiode maks 1 år

Kva	Kven	Når	Gjennomføring
Trening/cup	Magne E m.fleire	Vår/sommar	2-3 cupar + minst 3 treningar
Stafettar	Alle	2013-14	Deltaking minst 2 stafettar

Arbeidsplan for Langrennsgruppa i Valldal IL

I arbeidsplanen for 2013 vert tiltaka frå arbeidsplan 2012 vidareført.

Oppstart av skiskyting blir eit satsingsområde.

I tillegg blir følgjande tiltak lagt til:

kartlegging av eventuelt behov for oppgradering av lysløypa og ny trakkemaskin.

På sikt ønskjer langrennsgruppa å søke om å vere arrangør for MidtNorsk Mesterskap.

Arbeidsplan for Trimgruppa i Valldal IL

Vil halde fram med aktivitetar som har vore gjennomført siste åra med god oppslutning:

- Sykkeltrim
- Fjelltrim
- Fellesturar
- Nyttårsmarsj
- Jordmormarsjen, med arrangør

Vil også vurdere andre og nye trimtiltak